

全華叢書



全華策書



詩集傳名物鈔卷第四

元許謙撰

郡後學胡鳳丹月樵校梓

秦一之十一

變九

傳○鄭譜及疏秦者隴西谷名漢地理志隴西秦亭秦谷是也烏鼠與秦谷俱在隴西故云近爾雅烏鼠同穴其烏爲𪚩其鼠爲𪚩𪚩大吾反𪚩徒忽反○伯翳佐禹治水土舜命作虞官掌上下草木鳥獸賜姓曰嬴秦本紀秦之先帝顓頊之苗裔孫曰女修生大業大業生大費是爲伯

翳地理志秦之先曰伯益又云嬴伯益之後則  
伯翳伯益聲轉字異猶一人也○大費生大廉  
玄孫曰孟戲中衍爲殷太戊御後世遂爲諸侯  
其玄孫曰中湣保西垂生蜚廉子惡來革子女  
防子旁皐子大儿子大駱生成及非子成爲大  
駱後周孝王封非子爲附庸邑之秦子秦侯立  
卒子公伯立卒子秦仲立厲王無道西戎反王  
室滅大駱族宣王以仲爲大夫誅西戎死之王  
立其子莊公爲西垂大夫居犬丘卒子襄公立

西戎與申侯弑幽王襄公將兵救周送平王徙  
雒邑王封爲諸侯於是始國與諸侯通使遂有

岐豐之地卒子文公立卒孫寧公立卒三父廢  
太子武公而立其弟出子後三父復殺出子而

立武公卒弟德公立初居雍城中音仲潏古穴

反

以上並  
譜及疏

○汧輕煙反地理志汧水出扶風汧

縣西北入渭○疏初洛邑與宗周通封畿東西  
長南北短相覆爲千里本紀賜襄公岐以西地  
文公以岐東獻之周鄭言得八百里地是全得

西畿春秋之時秦境東至河本紀之言不可信

○雍今扶風雍縣○地理攷異犬丘在汧渭之

閒卽槐里是也

以上並疏

車鄰

秦

國人誇美秦君

經○一章寺釋文如字又音恃○二章毛氏陂者

曰坂下溼曰隰陂音坡○詩緝地里志隴西郡

有隴坻師古云隴坻謂隴阪卽今之隴山此郡

在隴之西故曰隴西三秦記其阪九回不知高

幾許欲上者七日乃越高處東望秦川然則阪



固秦地所有也坻丁計反又音底○詩紀既見  
君子並坐鼓瑟簡易相親之俗也今者不樂逝  
者其耄悲壯感嘆之氣也秦之強以此而止於  
爲秦者亦以此○吳正傳逝者謂自此以往○  
三章爾雅楊蒲柳注左傳所謂董澤之蒲疏生  
澤中可爲箭筈埤雅楊有黃白青赤四種白楊  
葉圓青楊葉長赤楊霜降則葉赤材理亦赤黃  
楊性堅緻難長筈古旱谷我二反緻直利反難  
長之長知丈反

並坐鼓瑟鼓簧君臣之際禮儀等威猶未能  
辨蓋其習於夷狄之常也故見寺人之令則  
驚異而誇之矣然告其君者則止曰不樂則  
盞而止耳有盈滿之心無警戒之意作詩者  
未爲知義之君子也其流風日甚至於始皇  
窮奢極欲宮觀相屬鐘鼓充之其漸蓋始於  
此而其尊君卑臣亢抑太甚遂使上下之情  
不通而致敗則又等威無辨之弊而力反之  
以至於甚也秦之亡未必盡因車鄰之一詩



然君子立言不可不審也

傳○一章詩緝鄰鄰密比之意言車之眾○疏天  
官內小臣與寺人別官言寺人內小臣者謂寺  
人是在內細小之臣非謂寺人卽是內小臣之  
官也燕禮諸侯之禮也云獻左右正與內小臣  
是諸侯有內小臣也左傳齊寺人貂晉寺人披  
是諸侯有寺人也○二章疏易注耄年踰七十  
左傳注七十曰耄愚謂自七十至八十皆可言  
耄

駟驥

秦

國人美秦君

經○一章驥釋文又吐結反

此但以君所乘車而言四馬一色君車之選也媚子公之御者也六轡在手在其手也公曰左之命此人也舍拔則獲君射之善又以見御之良也詠其辭意則車馬侍從之盛不言而可見矣

傳○一章觶與觶同古穴反見小戎傳○二章毛氏冬獻狼夏獻麋春秋獻鹿豕羣獸疏田獵是

虞人所掌獸人所獻之獸以供膳毛引獸人以  
證之也愚案疏言如此故傳以之類兩字例之  
而不仍毛質言之也又案天官獸人春秋獻獸  
物今毛云鹿豕羣獸不知何據周禮注疏狼膏  
聚聚則溫故冬獻麋膏散散則涼故夏獻春秋  
寒溫適凡獸皆可獻也及狐狸○射獸射必之  
射皆食亦反中陟仲反○六御當爲五御逐禽  
詳見小雅車攻○爲去聲

小戎

秦婦人誇西征車甲之盛及思其良人

經○卒章鏤音漏

傳○一章疏考工記國馬之軻深四尺有七寸注  
馬高八尺兵車乘車軻崇三尺有三寸加軻與  
轂七寸又并此軻深則衡高八尺七寸除馬之  
高餘七寸爲衡頸之間是軻在衡上故頸閒七  
寸也愚案考工記又曰六尺有六寸之輪軻崇  
三尺有三寸也加軻與轂馬四尺也注疏此車  
之高者也軻是軸頭處輪之中央轂伏兔也蓋  
四馬車一轅車軸上有伏兔尾後上載車軻軻



始有車輿則軸去地三尺三寸上又兼伏兔及軫并七寸車輿去地總四尺也詩記軻前駕於服馬之衡上其後則乘前軫直逼後軫也轅音卜○左氏傳定九年齊伐晉夷儀王猛曰我先登東郭書斂甲曰曩者之難今又難焉猛曰吾從子如驂之靳疏靳當胷之皮驂馬之首當服馬之胷胷上有靳釋文本或作有靳者非靳居覲反○詩緝陰以板橫側置車之前及左右三面○金銀銅鐵鉛總謂之金謂消白金未必皆

白銀也○疏左傳哀二年郵無恤曰兩鞞將絕  
吾能止之駕而乘材兩靳皆絕是橫軌之前別  
有驂馬一鞞也○輻音福○疏色青黑名綦馬  
名爲騏知其色作綦文○二章疏盾以木爲之  
○三章鞞與閉同疏儀禮旣反記說明器之弓  
云有鞞今案禮本作秘蓋與鞞通

蒹葭

秦四

不知所指 異

經○詩記此詩全篇皆比所謂伊人猶曰所謂此  
理也○三章毛氏渙厓也



蒹葭蒼蒼而白露爲霜矣人無百年而良時  
已邁矣所謂伊人惟在水一方爾所謂至道  
豈遠吾身哉但逦迤從之則道阻而且長用  
私智求之則理鑿而且迂獨逦游從之則宛  
在水中央也惟以樂易公平之心求之則無  
所往而非道也人其可不思日月之易邁而  
迪知大道以至其極乎此或非詩人之本意  
亦學者之一義也

傳○一章詩緝小者曰蒹中者曰萑大者曰葭三

物共十一名蒹水草一名蘼荻似萑而細高數尺牛食之令肥彊又曰今人以爲蘼箔因此得名是蒹蘼荻一物而三名也初生爲蒹長大爲薈成則名萑又名爲離是一物而四名也初生爲葭長大爲蘆成則名葦又名華亦一物而四名也郭璞云蒹似葦而小又云蒹似萑而細是蒹小於萑而萑小於葦也韻會蒹中赤始生末黑黑已而赤故謂之蒹其根旁行牽揉槃互其行無辨而又彊故又謂之薈江東呼爲鳥蘆至

秋堅成謂之萑其初生三月中其心挺出本大  
如箸上銳而細揚州人謂之馬尾葭蘆皆葦之  
未秀者葦則大葭也其華遇風則吹揚如雪聚  
地如絮萑音完蘆音廉茨吐敢反薺五患反藎  
音丘○二章爾雅小渚曰沚小沚曰坻○三章  
直音值

終南

秦國人美其君

經○一章梅見召南標有梅

傳○一章李氏終南西距鳳翔武功北距萬年長